

Na osnovu člana 108. stav (2) tačka a), a u vezi sa članom 109. stav (2) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 13. stav (2) tačka a) Pravilnika o izboru, razrješenju, nadležnostima i načinu rada školskog odbora osnovne škole, srednje škole, srednjoškolskog i školskog centra na području Kantona Sarajevo („Službene novine Kantona Sarajevo“, broj: 46/24 i 3/25), člana 7. Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18), člana 132. stav (2) tačka a) Pravila Javne ustanove Četvrta gimnazija Ilidža broj 01/01-1-705/2025 od 8.4.2025.godine, i na osnovu Odluke Školskog odbora Javne ustanove Četvrta gimnazija Sarajevo broj 01/01-1-2495 /2026 od 7.9.2026. godine, raspisuje se:

JAVNI KONKURS

za izbor direktora Javne ustanove Četvrta gimnazija Ilidža

Javni konkursa za izbor direktora/direktorice Javne ustanove Četvrta gimnazija Ilidža raspisuje se na mandatni period od 4 (četiri) godine.

I NAZIV ŠKOLE SA ADRESOM

JU Četvrta gimnazija Ilidža
Mala aleja 69
71210 Ilidža

II USLOVI KOJI KANDIDATI TREBA DA ISPUNJAVAJU

Pored uslova u pogledu stručne spreme, za direktora Javne ustanove Četvrta gimnazija Ilidža može biti imenovano lice koje ispunjava sljedeće opšte i posebne uslove:

Opšti uslovi:

- a) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na Javni konkurs,
- b) da se na tog kandidata ne odnosi član IX 1. Ustava Bosne i Hercegovine,
- c) da nije osuđivan za jedno ili više krivičnih djela za koje se odredbama Krivičnog zakona Federacije BiH može izreći kazna zatvora u trajanju od tri mjeseca i više kao i za privredni prijestup nespojiv sa obavljanjem dužnosti direktora škole,
- d) da nema privatni finansijski interes u JU Četvrta gimnazija Ilidža, u kojoj se kandiduje za direktora
- e) da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine („Službene novine Federacije BiH“ broj: 70/08), Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03, 34/03 i 65/13) i Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22, 44/22 - Ispravka I 52/22 - Ispravka).

Posebni uslovi:

- a) da u pogledu stručne spreme ispunjava uslove za radna mjesta u školi u kojoj konkuriše, a kako slijedi: nastavnik, pedagog, pedagog-psiholog, psihologa škole u koju konkuriše,

- b) da ima najmanje osam (8) godina radnog staža, a od toga ukupno najmanje pet (5) godina radnog staža na poslovima radnih mjesta iz tačke a) ovog javnog konkursa ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
- c) da ima najmanje visoku stručnu spremu ili najmanje završen I ciklus bolonjskog visokoobrazovnog procesa sa 240 ETCS bodova,
- d) da ima najmanje stručno zvanje mentor.

Za direktora škole ne može ponovo biti izabrano lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa.

Za direktora ne može biti imenovano:

- a) lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine („Službene novine Federacije BiH“ broj: 70/08) I Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03, 34/03 i 65/13), kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22, 44/22 - Ispravka i 52/22 - Ispravka),
- b) lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više.
- c) lice za koje se utvrdi da je alkoholičar, ovisnik o narkoticima, ili da boluje od duševne bolesti.

III - DOKUMENTACIJA KOJU SU KANDIDATI OBAVEZNI PRILOŽITI

Kandidati su dužni dostaviti sljedeću dokumentaciju (original ili ovjerenu kopiju):

1. Svojeručno potpisanu prijavu na javni konkurs, sa kontakt podacima kandidata (adresa stanovanja, broj telefona i e-mail adresa) i tačno navedenom dokumentacijom koja se prilaže uz prijavu na javni konkurs,
2. Biografiju (CV),
3. Izvod iz matične knjige rođenih,
4. Uvjerenje o državljanstvu (ne starije od šest mjeseci od dana objavljivanja Javnog konkursa),
5. Diplomu o stečenoj stručnoj spremi,
6. Uvjerenje o položenom stručnom ispitu,
7. Dokaz o radnom stažu (najmanje osam godina radnog staža, a od toga ukupno najmanje pet godina radnog staža na poslovima radnih mjesta: nastavnik, pedagog, pedagog-psiholog, psiholog ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa),
8. Rješenje o sticanju stručnog zvanja (najmanje zvanje mentor),
9. Uvjerenje (koje izdaje nadležan sud) da protiv kandidata koji konkuriše za direktora nije potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više (ne starije od tri mjeseca),
10. Izjava kandidata ovjerena od strane nadležnog organa da nije osuđivan za krivično djelo i za privredni prijestup nespojiv sa obavljanjem dužnosti direktora škole,

11. Izjava kandidata ovjerena od strane nadležnog organa da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države, entiteta ili kantona) u periodu od tri godine od dana prijavljivanja na Javni konkurs,
12. Izjava kandidata ovjerena od strane nadležnog organa da se na kandidata ne odnosi član IX 1. Ustava Bosne i Hercegovine,
13. Izjava kandidata ovjerena od strane nadležnog organa da nema privatni finansijski interes u JU Četvrta gimnazija Ilidža,
14. Izjava kandidata ovjerena od strane nadležnog organa da nema smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine („Službene novine Federacije BiH“ broj: 70/08) i Zakonom o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj: 12/03, 34/03 i 65/13), kao i Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“ broj: 35/22, 44/22 - Ispravka i 52/22 – Ispravka).
15. Izjava kandidata ovjerena od strane nadležnog organa da nije alkoholičar niti da je ovisnik o narkoticima,
16. Izjava kandidata ovjerena od strane nadležnog organa da ne boluje od zarazne bolesti ili duševne bolesti,
17. Pisani razvojni plan i program JU Četvrta gimnazija Ilidža za mandatni period.

IV - DOSTAVLJANJE PRIJAVE I TRAŽENIH DOKAZA

Prijavu sa dokazima kandidati dostavljaju putem pošte preporučeno ili lično putem protokola Škole u zatvorenoj koverti na adresu: Javna ustanova Četvrta gimnazija Ilidža, ulica Mala aleja 69., 71210 Ilidža, sa naznakom „Prijava na javni konkurs za izbor direktora - ne otvaraj (Otvara Školski odbor)“. Nepotpune, neblagovremene i neuredne prijave neće se uzimati u razmatranje.

V - NAČIN I ROK OBAVJEŠTAVANJA KANDIDATA O REZULTATIMA JAVNOG KONKURSA

Školski odbor će u roku od osam (8) dana od dana donošenja Odluke o imenovanju direktora JU Četvrta gimnazija Ilidža, o navedenoj odluci, u pisanom obliku obavijestiti sve kandidate koji su se prijavili na Javni konkurs.

VI - ROK ZA PODNOŠENJE PRIJAVA

Javni konkurs ostaje otvoren petnaest (15) dana od dana objavljivanja u dnevnim novinama i na službenoj stranici Ministarstva za odgoj i obrazovanje Kantona Sarajevo.

Javni konkurs je objavljen u dnevnom listu Oslobođenje i na službenoj stranici Ministarstva za odgoj i obrazovanje Kantona Sarajevo dana 9.9.2026. godine i ostaje otvoren do 24.9.2026. godine.

VII - VRIJEME NA KOJE SE VRŠI IMENOVANJE DIREKTORA ŠKOLE

Direktor se imenuje na period od četiri godine sa mogućnošću ponovnog izbora, uz ograničenje od najviše dva uzastopna mandata u istoj (ovoj) školi.

VIII - NAPOMENA

Kriteriji, procedure, način izbora i imenovanja direktora po ovom javnom konkursu utvrđeni su odredbama Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18).

Nepotpune i neblagovremene prijave, prijave kandidata koji ne ispunjavaju uvjete ovog konkursa, kao i fotokopije tražene dokumentacije i izjave koje nisu ovjerene neće se uzeti u razmatranje.

Izabrani kandidat će, po izboru, a prije imenovanja na funkciju direktora ove javne ustanove biti u obavezi dostaviti ljekarsko uvjerenje (ne starije od šest mjeseci).

Izrazi koji se koriste u ovom javnom konkursu, a imaju rodno značenje, odnose se jednako na muški i na ženski rod.

ŠKOLSKI ODBOR JU ČETVRTA GIMNAZIJA ILIDŽA